

**ԲՄԿ ՊՈՒՀ ՌՈՒՍ-ՀԱՅԿԱԿԱՆ (ՍԼԱՎՈՆԱԿԱՆ)
ՀԱՄԱԼՍԱՐԱՆ**

Հաստատում եմ՝



**Ինստիտուտ՝ Իրավունքի և քաղաքականության
Ամբիոն՝ Քրեական իրավունքի և քրեական
դատավարության իրավունքի**

Հեղինակ՝ Ծաղիկյան Ս.Շ.

ԴԱՍԸՆԹԱՅԻ ԱՌԱՐԿԱՅԱԿԱՆ ԾՐԱԳԻՐ

**Դասընթաց՝ Պետական ծառայության դեմ ուղղված
կոռուպցիոն հանցագործությունների քննության մեթոդիկա**

Մագիստրոսական ծրագիր՝ 042802.03.7 Կրիմինալիստիկա

**Դասիչ մասնագիտություն՝ 042802.00.7 Իրավական
ուսումնասիրություններ**

ԵՐԵՎԱՆ

1. Ներածություն.

Պաշտոնատար անձանց կողմից կատարվող հանցանքներն էական վնաս են հասցնում սոցիալական կարևորագույն այնպիսի արժեքներին, ինչպիսիք են պետության տնտեսությունը, պետական ապարատի և արդարադատության համակարգի նորմալ կենսագործունեությունը, պետական իշխանության հեղինակությունը և այլն: Պաշտոնեական լիազորությունների չարաշահումը կամ անցումը, կաշառակերությունը, ձեռնարկատիրական գործունեությանն ապօրինի մասնակցելը, պաշտոնեական կեղծիքը, որոնք պետական ծառայության դեմ ուղղված առավել վտանգավոր և տարածված հանցագործություններն են, հանդիսանում են նաև հանցավոր կոռուպցիայի հիմնական դրսևորումներից: Բացի այդ, պաշտոնատար անձանց կողմից կատարվող հանցանքները պայմաններ են ստեղծում այլ ծանր հանցագործությունների համար, խախտում են սոցիալական արդարությունը, նպաստում են անպատժելիության մթնոլորտի ձևավորմանը: Քննարկվող հանցագործությունների դեմ պայքարի գործում, անկասկած, առաջնային նշանակություն ունեն դրանց կանխմանն ուղղված սոցիալ-տնտեսական, կազմակերպակառավարչական, քաղաքական, իրավական, գաղափարախոսական բնույթի միջոցառումները: Այս առումով չի կարելի թերագնահատել նաև քրեաիրավական պայքարի նշանակությունը:

Պետական իշխանության, պետական և տեղական ինքնակառավարման մարմիններում ծառայության շահերի դեմ ուղղված առավել տարածված և վտանգավոր հանցագործություններից են պաշտոնեական լիազորությունների չարաշահումը և անցումը, կաշառք ստանալը, տալն ու կաշառքի միջնորդությունը:

Հայաստանի Հանրապետության պաշտոնական վիճակագրությունը վկայում է, որ վերջին տասը տարիներին նկատվում է դրանց թվի կայուն աճ: Բացի այդ, նշված հանցավոր արարքների տեսակարար կշիռը պետական իշխանության դեմ ուղղված հանցագործությունների կառուցվածքում բավականին մեծ է:

Հարկ է նշել նաև, որ հայաստանյան իրավակիրառ պրակտիկայի ուսումնասիրությունները ցույց են տալիս, որ դատական, դատախազական և քննչական

մարմինների ներկայացուցիչները որոշակի բարդություններ են ունենում պաշտոնատար անձանց կողմից կատարվող հանցանքները բացահայտելու առումով:

Նմանատիպ հարցերի քննարկմանն է կոչված սույն դասընթացը, որի յուրացման համար անհրաժեշտ է ուսումնասիրել դասընթացին վերաբերող պարտադիր և լրացուցիչ գրականությունը:

2.Դասընթացի նպատակը և խնդիրը.

Դասընթացի նպատակն է ուսանողներին հիմնարար մակարդակով ծանոթացնել պետական ծառայության դեմ ուղղված կոռուպցիոն հանցագործությունների քննության մեթոդիկայի հետ, ինչպես նաև նպաստել ուսանողների մոտ կրիմինալիստիկական գիտելիքների ձևավորմանը:

Կրթական դասընթացի հիմնական խնդիրն է ուսանողներին ծանոթացնել նախ կրիմինալիստիկայի մեթոդիկային, այնուհետև կոնկրետ պետական ծառայության դեմ ուղղված կոռուպցիոն հանցագործությունների քննության մեթոդիկայի հետ:

2.1. Կրթական վերջնարդյունքները

Դասընթացի հաջող ավարտին ուսանողները **պետք է**
Իմանան՝

- պաշտոնեական լիազորությունները չարաշահելու վերաբերյալ գործերի քննության մեթոդիկայի առանձնահատկությունները:

Կարողանան՝

- իրականացնել պետական ծառայության դեմ ուղղված կոռուպցիոն հանցագործությունների քննություն:

Ունակ լինեն՝

- հսկողություն իրականացնել պետական ծառայության դեմ ուղղված կոռուպցիոն հանցագործությունների քննության նկատմամբ:

ԲՄԿ ՊՈՒՀ Ռուս-Հայկական (Սլավոնական) համալսարան

2.2. Դասընթացի աշխատատարության բաշխումն ըստ ուսումնական աշխատանքի տեսակների (ակադեմիական ժամերով)

| Ուսումնական աշխատանքների տեսակները | Ամբողջ, ակ. ժամ. | Բաշխում ըստ կիսամյակների | | | | | |
|---|-------------------|--------------------------|-------------------|-----------|--------|--------|-----------|
| | | 1 Կիս. u. | 2 Կիս. u. | 3 Կիս. u. | 4 կիս. | 5 Կիս. | 6 Կիս. u. |
| 1 | 2 | 3 | 4 | 5 | 6 | 7 | 8 |
| 1.Ըստ կիսամյակի ընդհանուր դասընթացի ուսուցման ծանրաբեռնվածությունը | 72 | | 72 | | | | |
| 1.1. Լսարանային պարապմունքներ: | 18 | | 18 | | | | |
| 1.1.1.Դասախոսություններ | 10 | | 10 | | | | |
| 1.1.2.Սեմինարներ | 8 | | 8 | | | | |
| 1.2. Ինքնուրույն աշխատանք | 54 | | 54 | | | | |
| Եզրափակիչ ստուգում (քննություն, ստուգարք) | Քննություն | | Քննություն | | | | |

2.3. Դասընթացի թեմատիկ պլան

| Դասընթացի բաժինները և թեմաները | Ընդհանուր (ակ. ժամ) | Դասախոսություններ (ակ. ժամ) | Սեմինար (ակ. ժամ) | Պարապմունքների այլ տեսակներ (ակ. ժամ) |
|--|---------------------|-----------------------------|-------------------|---------------------------------------|
| Թեմա 1.1. Պաշտոնեական լիազորությունները չարաշահելու վերաբերյալ գործերի քննության մեթոդիկայի առանձնահատկությունները: | 24 | 2 | | 6 |
| Թեմա 1.2. Պաշտոնեական լիազորություններն անցնելու վերաբերյալ գործերի քննության մեթոդիկայի առանձնահատկությունները: | | | | 8 |
| Թեմա 1.3. Կաշառք ստանալու վերաբերյալ գործերի քննության մեթոդիկայի առանձնահատկությունները: | | | | 8 |

ԲՄԿ ՊՈՒՀ Ռուս-Հայկական (Սլավոնական) համալսարան

| | | | | |
|--|-----------|-----------|----------|-----------|
| Թեմա 1.4. Կաշառք տալու վերաբերյալ գործերի քննության մեթոդիկայի առանձնահատկությունները: | 12 | 2 | 2 | 8 |
| Թեմա 1.5. Կաշառքի միջնորդության վերաբերյալ գործերի քննության մեթոդիկայի առանձնահատկությունները: | 12 | 2 | 2 | 8 |
| Թեմա 1.6. Պաշտոնեական կեղծիքի վերաբերյալ գործերի քննության մեթոդիկայի առանձնահատկությունները: | 12 | 2 | 2 | 8 |
| Թեմա 1.7. Պաշտոնեական անփութության վերաբերյալ գործերի | 12 | 2 | 2 | 8 |
| Ընդամենը | 72 | 10 | 8 | 54 |

3. Դասընթացի բաժինները և թեմաները

Թեմա 1.1. Պաշտոնեական լիազորությունները չարաշահելու վերաբերյալ գործերի քննության առանձնահատկությունները

Պաշտոնեական դիրքի չարաշահման քրեագիտական բնութագիրը. Հանցագործության կատարման մասին քրեագիտական նշանակություն ունեցող տեղեկատվության աղբյուրները: Պաշտոնեական լիազորությունները չարաշահելու գործերով բացահայտման ենթակա հանգամանքների առանձնահատկությունները:

Հատուկ իրավական կարգավիճակ ունեցող անձանց նկատմամբ քրեական գործեր հարուցելու և քննելու հատուկ կարգը: Քննության սկզբնական փուլի առանձնահատկությունները: Քննության հետագա փուլի առանձնահատկությունները: Այն փաստաթղթերի գնումն ու առգրավումը, որոնց մեջ արտացոլվել են պաշտոնատար անձի ոչ իրավաչափ գործողությունները:

Թեմա 1.2. Պաշտոնեական լիազորություններն անցնելու վերաբերյալ գործերի քննության մեթոդիկայի առանձնահատկությունները:

Քրեական գործ հարուցելու փուլում պաշտոնեական լիազորություններն անցնելու քննության կազմակերպման առանձնահատկությունները: Պաշտոնեական լիազորություններն անցնելու քրեական գործի քննության ժամանակ անհետաձգելի նախնական քննչական գործողությունների տակտիկա: Պաշտոնեական լիազորություններն անցնելու գործերով բացահայտման ենթակա հանգամանքների առանձնահատկությունները:

Թեմա 1.3. Կաշառք ստանալու վերաբերյալ գործերի քննության մեթոդիկայի առանձնահատկությունները:

Կաշառք ստանալու քրեագիտական բնութագիրը: Կաշառք ստանալու քննության առանձնահատկությունները իրավապահ մարմիններում: Կրթական հաստատություններում կաշառք ստանալու քննության առանձնահատկությունները: Կաշառք ստանալու վերաբերյալ քրեական գործ հարուցելու առանձնահատկությունները: Կաշառք ստանալը քննելիս անհետաձգելի նախնական քննչական գործողությունների տակտիկա: Կաշառք ստանալու վերաբերյալ հաղորդումների ստուգման առանձնահատկությունները: Մարդու իրավունքների եվրոպական դատարանի որոշումները՝ որպես կաշառք ստանալու հետաքննության մեթոդիկայի աղբյուրներ:

Թեմա 1.4. Կաշառք տալու վերաբերյալ գործերի քննության մեթոդիկայի առանձնահատկությունները:

Կաշառք տալու քրեագիտական բնութագիրը: Կաշառք տալու քննության առանձնահատկությունները իրավապահ մարմիններում: Կաշառք տալու վերաբերյալ քրեական գործ հարուցելու առանձնահատկությունները: Կաշառք տալը քննելիս անհետաձգելի նախնական քննչական գործողությունների տակտիկա: Կաշառք տալու վերաբերյալ հաղորդումների ստուգման առանձնահատկությունները: Մարդու

իրավունքների եվրոպական դատարանի որոշումները՝ որպես կաշառք տալու հետաքննության մեթոդիկայի աղբյուրներ:

Թեմա 1.5. Կաշառքի միջնորդության վերաբերյալ գործերի քննության մեթոդիկայի առանձնահատկությունները:

Կաշառքի միջնորդության քրեագիտական բնութագիրը և առանձնահատկությունները: Կաշառքի միջնորդության հետաքննության մեթոդիկայի հասկացությունը և սկզբունքները: Կաշառքի միջնորդության քննության ժամանակ բացահայտման և ապացուցման ենթակա հանգամանքները: Կաշառակերության միջնորդության տիպիկ եղանակները: Կաշառքի միջնորդության քննության նախնական փուլի առանձնահատկությունները: Նախնական քննչական իրավիճակները, վարկածները: Քննության հիմնական ուղղությունները և անհետաձգելի քննչական գործողությունները:

Թեմա 1.6. Պաշտոնեական կեղծիքի վերաբերյալ գործերի քննության մեթոդիկայի առանձնահատկությունները:

Պաշտոնեական կեղծիքի գործերով առավել բնորոշ նախնական քննչական գործողությունները՝ փաստաթղթերի զննումը և առգրավումը, դեպքի վայրի զննումը, արտադրանքի և նյութերի նմուշների զննումն ու առգրավումը (որոնց վնասման, ոչ պատշաճ, պահպանման և ապօրինի իրացման վերաբերյալ կատարվում է հետաքննություն), վկաների և կասկածյալների հարցաքննությունները: Պաշտոնեական կեղծիքը քննելիս հանցագործության վայրը և ժամանակը ու դրա հետևանքները պարզելը: Ֆիզիկական, իրավաբանական անձանց, հասարակության և պետության իրավունքների և օրինական շահերի էական խախտման փաստերի բացահայտումը:

Թեմա 1.7. Պաշտոնեական անփութության վերաբերյալ գործերի քննության մեթոդիկայի առանձնահատկությունները:

Պաշտոնեական անփութության քրեաիրավական և քրեագիտական բնութագիրը, դասակարգումը և տարրերը: Պաշտոնեական անփութության քննության ժամանակ բացահայտման ենթակա հանգամանքները: Ապացույցների հավաքման և հետազոտման խնդիրները: Նախնական քննչական գործողությունները ծառայողական անփութությունը քննելիս: Հիմնական խնդիրները, որոնք պետք է լուծվեն պաշտոնեական անփութության հետաքննության ժամանակ՝ նյութական վնաս հասցնելու փաստի հաստատումը և դրա չափի որոշումը; այն պաշտոնատար անձանց հայտնաբերումը, որոնց անբարեխիղճ կամ անփույթ վերաբերմունքը ծառայության նկատմամբ հանգեցրել է խոշոր վնաս պատճառելուն և այլն:

4. Տեսական բով

Գրականության ցանկ (պարտադիր և լրացուցիչ)

Պարտադիր գրականություն

1. ՀՀ օրենքը «Զենքի մասին», ընդունված է Ազգային Ժողովի կողմից 3 հուլիսի 1998 թ.
2. ՀՀ քրեական դատավարության օրենսգիրք, ընդունվել է Ազգային Ժողովի կողմից 1 հուլիսի 1998 թ.
3. ՀՀ քրեական դատավարության օրենսգիրք, ընդունվել է Ազգային Ժողովի կողմից 30.06.2021 թ.
4. Առաքելյան Ս. Վ., Խաչիկյան Տ. Ա., Ամիրյան Գ. Ս., Ղազարյան Տ. Ս., Նահապետյան Ա. Ս. Պետական ծառայության դեմ ուղղված պաշտոնեական հանցագործությունների որակման և քննության մեթոդիկայի առանձնահատկությունները | Ռուս. ձեռնարկ: Տիգրան Մեծ, 2015թ., 128 էջ
5. Ենգիբարյան Վ.Գ. Հանցագործությունների քննության մեթոդիկա: Եր.: ԵՊՀ հրատ., 2014:

6. Հայաստանի Հանրապետության քրեական իրավունք: Հատուկ մաս: Եր.: ԵՊՀ հրատ., 2012:
7. Հայաստանի Հանրապետության քրեական իրավունք: Ընդհանուր մաս: Եր.: ԵՊՀ հրատ., 2012:
8. Հայաստանի Հանրապետության վճռաբեկ դատարանի քրեական գործերով որոշումների ժողովածու: Եր., 2009: Հ. 1:
9. Ենգիբարյան Վ. Գ. Հանցագործությունների քննության մեթոդիկա: Կրիմինալիստիկական մեթոդիկա: | Դասագիրք բուհերի իրավաբանական ֆակուլտետների ուսանողների համար՝ երաշխավորված ՀՀ ԿԳՆ կողմից, Երևան, Թասկ, 2017, 608 էջ
10. Ենգիբարյան Վ. Գ. Հանցագործությունների քննության կազմակերպման քրեադատավարական և կրիմինալիստիկական հիմքերը | Մենագրություն, Երևան, Անտարես, 2016, 256 էջ
11. Ենգիբարյան Վ. Գ. Առանձին տեսակի հանցագործությունների քննության մեթոդիկա (Կրիմինալիստիկական մեթոդիկա) | Ձեռնարկ, Երևան, ԵՊՀ հրատարակչություն, 2009, 416 էջ
12. Ավետիսյան Դ., Վարդապետյան Ա. Պետական ծառայության դեմ ուղղված հանցագործությունները (ՀՀ վճռաբեկ դատարանի՝ 2013-2015 թթ. նախադեպային իրավունքի վերլուծություն) | Գիտական աշխատությունների ժողովածու, Եր.: ԵՊՀ հրատ., 2016, էջ 412-423
13. Алтухов С.А. Криминологическая характеристика и профилактика преступлений, совершаемых сотрудниками милиции. Автореф. дис... канд. юрид. наук. Ростов н/Д, 2000.
14. Борков В.Н. Получение взятки: вопросы квалификации: Диссерт... канд. юрид. наук. Омск, 2002.
15. Бриллиантов А.В. К вопросу о понятии должностного лица // Российский следователь, 2001, № 6.

16. Вейберт С.И. Взятничество: проблемы квалификации и назначения наказания: Автореф. дис..канд. юрид. наук. Челябинск, 2007.
17. Волженкин Б.В. Квалификация посредничества во взяточничестве // Правоведение, 1979, № 4.

Լրացուցիչ գրականություն

1. Гаухман Л.Д. Законодательное обеспечение борьбы с коррупцией // Журнал российского права, 2000, № 12.
2. Гончарова Г. К вопросу о значении понятия существенного вреда по делам о преступлениях против интересов службы // Законность и правопорядок, № 3(19), 2011.
3. Горелик А.С. Конкуренция уголовно-правовых норм. Красноярск, 1998.
4. Грошев А.В. Функции правосознания в механизме уголовно-правового регулирования: Автореф. дис. д-ра юрид.наук. Екатеринбург, 1997.
5. Доиджашвили Д. Объективная сторона превышения власти или служебных полномочий // Советская юстиция, 1989, № 22.
6. Дорохов В.Я. Понятие документа в советском праве//Правоведение, 1982, № 2.
7. Егорова Н.А., Икрянникова А.С. Уголовная ответственность за посредничество во взяточничестве // Вестник Волгоградской академии МВД России, 2011, № 4(19).

5. Ստուգումների անցկացման ձևը և գնահատման չափանիշները:

Խմբային քննարկում. Նպատակը՝ մտքերի փոխանակում կոնկրետ առաջադրված իրավական հարցերի և խնդիրների վերաբերյալ: Գնահատման չափանիշները՝ տեսական պատրաստվածություն, հղումներ հեղինակներին, սեփական կարծիքի հիմնավոր և տրամաբանական փաստարկվածություն, ակադեմիական ակտիվություն, բարեկիրթ վերաբերմունք խմբի անդամների հետ:

Ելույթներ ըստ թեմայի. Նպատակը՝ թեմայի կամ հարցի խորացված ուսումնասիրում: Գնահատման չափանիշ՝ պլանի առկայություն, օգտագործված գրականության ցանկ, հղումների ճշգրտությունը, պատճառաբանվածություն:

Թեստավորում. Նպատակը՝ ստուգել ուսանողների գիտելիքները:

Վերջնական քննություն. Նպատակը՝ ստուգել և գնահատել ուսանողների գիտելիքները:

6. Պրակտիկ բլոկ

Մեմինար և պրակտիկ պարապմունքների պլան:

Պարապմունքի տեսակ – տրամաբանական հարցերի և խնդիրների լուծում:

Ստուգման ձևը: Բանավոր հարցում:

7. Մեթոդական բլոկ

Ինքնուրույն աշխատանքի մեթոդական ապահովումը:

Ուսուցման մեթոդները դրանք դասախոսի և ուսանողների համատեղ գործունեության միջոցներ են՝ ուղղված կրթական նպատակների ձեռքբերմանը:

Ուսուցման մեթոդներն իրենց մեջ ներառում են դասավանդման, ուսումնառության և գնահատման մեթոդներ:

Դասավանդման մեթոդներն այն մեթոդներն են, որոնց օգնությամբ հաղորդվում են գիտելիքներ, ձևավորվում են կարողություններ և հմտություններ: Ուսումնառության մեթոդների օգնությամբ ուսումնառողները ձեռք են բերում անհրաժեշտ գիտելիքներ, ձևավորում են կարողություններ և հմտություններ: Գնահատման մեթոդները միտված են արժանահավատ կերպով ուսանողների կողմից կրթական վերջնարդյունքների ձեռքբերման չափմանը:

Այս մեթոդները փոխկապված են և շատ դեպքերում դասավանդման մեթոդը կարող է հանդես գալ որպես ուսումնառության մեթոդ կամ նաև գնահատման մեթոդ:

Դասավանդման և ուսումնառության մեթոդները պետք է.

- լավագույնս նպաստեն կրթական վերջնարդյունքների ձևակերպված գիտելիքների, կարողությունների և հմտությունների ձեռքբերմանը ուսանողների կողմից,
- կիրառվեն ուսանողների գիտելիքների և ընդունակությունների տարբեր մակարդակներում,

ԲՄԿ ՊՈԻՀ Ռուս-Հայկական (Սլավոնական) համալսարան

- լինեն բազմատեսակ,
- խրախուսեն ուսանողների ակտիվությունը լսարանում, ինքնուրույնությունը և տրամադրեն խմբային աշխատանքի հնարավորություններն՝ ըստ անհրաժեշտության,
- համապատասխանեն ուսուցման նպատակներին,
- ավելի արդյունավետ բացահայտեն նյութի բովանդակությունը,
- ուսանողների և դասախոսների հաղորդակցման, փոխհարաբերությունների ոճերը լինեն արդյունավետ,
- համապատասխանեն նյութատեխնիկական բազայի հնարավորություններին, դասախոսների մասնագիտական կարողություններին և թեմային հատկացված ժամաքանակին:

Ժամանակակից դիդակտիկայում գոյություն ունեն մեթոդների տարբեր դասակարգումներ: Վերջին ժամանակներում դասավանդման կարևոր պահանջներից է ուսանողների ակտիվության ու մասնակցության ապահովումը ուսուցման գործընթացում: